

| |
|-----|
| 928 |
| 七 |
| 9 |

誠

齋

集

九



誠齋集卷第三十四

詩

江東集

廬陵楊

万里

廷秀

與次公幼輿二子登伏龍樓

周遭故國是山圍對境方知此句奇
偶上伏龍樓上望一環碧玉缺城西

寒食前一日行部過牛首山

巖花袍紫不知名
澗草茸青取次生
便是常州草蟲本只無
蚱蜢與蜻蜓

頭上高垂碧玉盆誰將漂絮尚殘痕青天幸自秋
江樣須若三絲兩縷雲

絲山恨骨已寒灰儘禁厨煙肯更回老病不禁餓
食冷杏花錫粥湯去聲將來

出了長干過了橋紙錢風裏樹蕭騷若無六代英
雄骨牛首諸山肯爾高

單車一節又行春敢為觀風惜病身只是擔頭無
櫺子枉教喚作蹈青人

擣藍作雨兩宵傾生怕難乾急放晴一路東皇新
曬染來黃麥綠小楓青

一春今歲兩中和信道韶華定較多二月半頭花
已盡脫空日月退還他

宿金陵鎮穩寺望橫山

再見橫山滴眼新山曾勸我脫官身燈籠簫鼓年
年社酒醜鷺花處處人忽憶諸公牡丹會轉頭五
拈去年春野雲堙月空荒寺兩袖寒風一帽塵

明發棲隱寺

木魚一叫衆僧聚老夫登車欲前去仰頭見天俯
見路明明是晝不是暮如何今晨天地間咄咄怪
事滿眼前將為是夜着音月輪已沒星都落將謂

是畫休銀河到曉爛不收皎如江練橫天流中流
點綴金沙洲元來海底蚤浴月雲師閉關不教出
羲和揮斧斫雲關取將一道天光還天光淡青日
光白道是銀漢也則得雲師強很趕不奔堆作沙
洲是碎雲

寒食日晨炊姜家林初程之次日也

百五佳辰匹似無合教追節却離居萬家寒食初
歸鷺一老春衫政寒驢老柳已僧何再髮孺槐繩
瓜可犀蔬兒書早去聲問歸程日不用填渠只笑渠

午憩褚家方清風亭

此老忒踈放與春無怨私何須寒食日恰是別家
時荒店兩三隻野花千萬枝前山有底恨也學客
開眉

莫道迎春好迎春是送春可憐一條路知老幾多
人坦綠偏宜韞飄紅併可細青帘好消息今日榨
頭新

宿新市徐公店

籊落踈踈一逕深樹頭新綠未成陰兒童急走追
黃蝶飛入菜花無處尋
春光都在柳梢頭揀折長條挿酒樓便作在家寒

食看村歌社舞更風流

風花

海棠桃李雨中空更着清明兩日風風似病癩無
藉在花如中酒不惺鬆身行楚嶠遠更遠家寄秦
淮東復東道是殘紅何足惜後來併恐沒殘紅

曉過葉家橋

雞唱嗔人睡鴉啼啞客勞近山煙外遠矮竹蒼邊
高老矣猶長鋏悠哉未大刀繞圩無雜樹一色柳
新纒

圩峻愁今路山行羨昨朝閉牕深坐轎合眼過危

橋岸近何由到魂驚半欲銷寄言薛丞相最穩是
輕船

過揚二渡

春跡無痕可得尋不將詩眼看春心鶯邊揚柳鷗
邊草一日青來一日深

兩日山尋儘野花今晨水眺如去聲來麻春風嬌得
千垂柳恰限身才箇箇斜

柳見風時舞便輕解將袂遍趨鶯聲道他誇逞腰
肢着音斫風罷元來倦不勝

宿青山市

詞林典故卷三十四
四
青山業主是玄暉太白無錢典得伊總是詩仙休
更訟兩叢分釣一魚磯

雲塗霧抹澹葱曠萬匹霜綃罩王龍中有雙峯不
爭長諸峯情願長雙峯

近看青山却朗然更無半點霧和煙一峯是石高
多少到得峯頭即到天

市心酒店客來嘗且酌仙家十二郎鸚鵡鷓鴣何
處覓只將老瓦當瑤觴

題青山市汪家店

小小樓臨短短牆長春半架動紅香楊花知得人

孤寂故故飛來入竹窻

過廣濟圩

圩田歲歲鎮逢秋圩戶家家不識愁夾路垂楊一
千里風流國是太平州

兩渠水夾一堤寬箇是東皇大音隨御園旋挿綠楊
能幾日新枝已自不勝繁

乘疇一眼鬱金黃麥壠千機綠錦坊詩卷且留燈
下看轎中只好看春光

清日午憩黃池鎮

莫笑孤村小市頭花邊人出浦邊游綠楊拂水雙

浮鴨碧草粘天一落鷗
嬾困風光酣午睡陰沉天
氣嫁春愁何誰道是清明節
我對清明喚作秋

宿橫岡

我豈忘懷一畝居誰令愛讀數行書
秋南春北鴈相似柳思花情鷺不如
上市魚鰕村店酒帶花松芥晚春蔬
長亭一醉非難事造物相撩莫管渠
夜雨曉發橫岡

醞造通宵雨慙慙數日風加三濃釋綠
第一淡薦紅潤物初非惠司春豈有功
老農私獨喜不羨去年豐

道旁雨中松

莫信秦人五大夫一生清苦不敷腴
也將青玉瑀釵子一一釵頭綴兩珠

宿新豐坊詠瓶中牡丹因懷故園

客子泥塗正可憐天香國色一枝鮮
雨中晚斂寒如此燭底宵暄笑粲然
自覺玉容微婉軟急將翠掌護嬋娟
江南也有新豐市未羨賓王酌聖賢
天下花王絕世無懷家移得洛微蘓
花頭每朵一千葉親手前春五百株
雪白猩紅相映帶嬌黃醜紫更敷腴
鄉裏開眼歸將去飛過長江彭蠡湖

宛陵道中

溪繚雙衣帶橋森百足蟲
傘聲松徑雨巢影柳塘
風大誤隨行客牛偏識牧童
追程非要緩路滑試
忽忽

題趙昌父山居八詠

竹隱

大隱隱於酒小隱隱於竹
何不呼麴生來同此君
宿

晏齋

五陵槿梢花千駟草頭露
富貴人始去聲傳屢空今

不數

苔竹軒

青士長得瘦翠兄工買貧
向來素愛者已賺一詩
人

兩峯堂

踏得草鞋穿行得汗脚損
却換一枝藤拄到雙玉
笋

已矣軒

蠻觸無休日菟裘有別天
撫松非已矣采菊未悠
然

倚雲亭

俗子令眼白瑞峯令眼青白移聽兩榻且上倚雲亭

霞牖

夕借月為燭晨將霞作簾猶言貧到骨不悟取傷廉

青氈堂

客來借氈看笑指一書策不管賣不行且圖偷不得

曉晴發黃杜驛

望後月不落偏於水底明對懸雙玉鏡併照一金鉦忽值山都合渾無路可行多情小花徑導我度千縈

巷竹歌將倒林花濕不飛總將枝上雨洒入轎間衣睛色猶全嫩春寒肯便歸祇能欺客子戶戶閉荆扉

初曉明明忽然霧起已而日出光景奇怪

明發望遠山一一繁可數幽人萌望心便被山靈妬遂巡出神通變化足驚怖初將兜羅綿擘作霏微絮週遭累世界仰視失天宇高懸赤瑛盤不計

丈尺許下照空濛間紅尤貫輕素中有人物影紛
紘競來去亦各有所持莫辨是向具猶嫌未奇怪
別出奇怪處珠立一路憧瑤林四山樹橫空金橋
梁拔地玉窳堵駭目方諦觀捲地急收去恍疑刮
眼膜依舊認山路那知幻與真不記夢兼寤神游
峩眉山誰俗笑佛祖笑誰却被誰佛祖還笑汝

晨炊杜遷市煮箏

金陵竹箏硬如石石猶有髓箏不及杜遷市裏箏
如酥箏味清絕酥不如帶兩斲來和籥煮中含柘
漿雜甘露可齏可膾最可羨繞齒款款水雪聲不

復况箏莫成竹頗頗食箏莫食肉

新路店道中

去秋行部慘山容得似春山意態濃嫩綠峯當新
雨後亂紅花發爛晴中仙姿玉骨丹青寫霧鬢風
鬟錦綉幪染得筆頭生五色急將描取入詩筒

朝道旁楓松相倚

雙楓一松相後前可憐老翁依少年少年翡翠新
衫子老翁深衣青布被更看秋風清露時少年再
換輕紅衣莫教一夜霜雪落少年赤立無衣着老
翁深衣却不惡

雨後田間雜紀

稻田滴水價千金溪澗求分不肯分一雨萬畦都
水足却將傾瀉作溪渾
田水高低各鬪鳴溪流奔放更驩聲小兒倒搯青
梅朵獨立茅簷看客行
行到深村麥更深放低小轎過東陰再三傳語春
寒道好為農家惜綠針
晴路無泥亦未埃野雲儘薄不全開滿山都是長
松樹無數揚花何處來
正是山花最鬧時濃濃淡淡未離披映山紅與昭

亭紫

有木花而茂
紫名昭亭花

挽住行人贈一枝

宿白雲山奉聖禪寺

徑夾長松照地青眼看高閣與雲平出林殿脊先
知寺滿路花枝未見鶯上到峯頭千嶂合下臨嶺
脚一溪橫山寒入骨水相似冰去聲殺人來却道清

登奉聖寺千佛閣

一隻奇峯入眼中看來隻隻是奇峯好山道是無
重數少說青蒼十萬重
遠山細膩近山麓別處求麓也則無更向遠山山
外看教君病眼一雙枯

長誦懸崖置屋牢此詩此閣晚相遭閣中未覺高
低在下到山門始去聲是高
何許飛來雙白鷗碧山貼出雪花浮倚欄只管移
床立看到雙鷗沒處休

過寧國縣

薄日烘雲未作霞好峯怯冷着輕紗絕憐山色能
隨我政用花時不在家騎吏那愁千里遠牡丹各
挿一枝斜細看文脊空多肉不似青陽看九華文脊
山正在寧國縣其高大不減九華但無九峯

乘茶坑道中

兩邊山東一溪風盡日行程在井中猶喜天圍能
里許井中那得箇寬通

田塍莫笑細於掾便是菜園與菜園嶺脚置錐留
結屋盡驅柿栗上山顛

沙鷗數箇點山腰一足如鉤一足翹乃是山農顰
斜崦倚鉏無力政無聊

下山入屋上山鉏圖得生涯總近居菜眼未開先
着椹麥胎纔茁便生鬚

秧疇夾岸隔深溪東水何緣到得西溪面秬銷橫
一視水從空裏過如飛

蠶豉今歲十分強催得農家日夜忙已縛桁竿等
新麥更將了木撐去聲歌業

晴明風日雨乾時草滿花隄水滿溪童子柳陰眠
正著一牛喫過柳陰西

山根一徑抱溪斜片地纔寬便數家漫挿漫成堤
上柳半開半落路旁花

明發周村驛

不住寬鄉住甕門那知世上有乾坤環將峻嶺包
深谷圍出餘天與別村茅屋相挨無著處花溪百
摺不教奔江淮地迥寒無價宜歛山寒更莫論

過主嶺

昨日山行尚有村今朝嶺塞更無門仰攀苔磴上
絕頂却倒去聲籃輿下峻巖身覺去天纔寸許片臨
無地不堪看前頭尚有芙蓉在此嶺難登未是難
芙蓉嶺最險在
婺源五嶺之數

過胡駱坑

說盡山寒未識寒此間寒不是人間巖崖泉凍琉
璃澗冰雪雲封翡翠山一檐衣裳都著盡兩邊牕
子更深關聳肩縮頸仍呵手無策能溫兩脚頑
已被山寒病老身車徒溪涉更艱勤霧皆成點元

非兩日出多時未脫雲猿鳥一聲人不見松杉四
塞徑無痕十分晴暖儂何福肯借曦光三五分

安樂廟頭

誰遣詩家酷愛山愛山說得口瀾翻千峯萬嶺爭
投奔一陟三休却倦煩堆案滿前何處着枯腸飽
後豈能餐殘嵐贖翠渾無用包寄金陵同社看

未至安樂坊隔林望見霜鏗嶺兩峯特奇

天知老子厭凡山別放潛環伏寶看一行音橫林
遮嶺脚兩峯如笋出雲端舉頭瞥見還驚遯到骨
清竒特地寒彼此相遭有緣法悔將嗔喜觸嶺岼

安樂坊牧童

前兒牽牛渡溪水後兒騎牛回問事一兒吹笛笠
簪花一牛載兒行引子春溪嫩水清無滓音春洲
細草碧無瑕五牛遠去莫管他隔溪便是群兒家
忽然頭上數點雨三笠四蓑趕將去

宣歙道中

天齊玉立萬孱顏三日深行紫翠間便是昨來千
佛閣望中見此兩州山詩家寒刮少陵骨宮樣高
梳西子髮秣好遙看莫登覽今晨登處鬢都班
新安江水自績溪發源

金陵江水只鹹腥敢望新安江水清
皺底玻璃還鮮動瑩然鄼淥却消醒
泉從山骨無泥氣玉漱花

汀作珮聲水記茶經都未識
謫仙句裏萬年名太白

云借問新安江見底何如此又云何謝新安水千尋見底清

宿黃土龕五更聞子規

通宵不睡睡方奇
夢裏驚聞子規
抵是一聲已腸斷
况當三月落花時
不論客子愁無那
便遣家人聽亦悲
歸到江西歸始去了江東
歸得未為歸聲

明發黃土龕過高路

又過崢嶸兩峽間
也無溪水也無田
嶺雲放脚寒

垂地山麥掀髯翠拂天
碧王屏風吹不倒
青綾步障買無錢
詩人富貴非人世
猶自淒涼意惘然

寄題周元吉左司山居三詠

酬賦亭

詩酒如今誰主盟
須還酬賦老先生
三盃兩甌鶯花底
一斗百篇談笑成
太白自翻新樂府
小蠻度入妙歌聲
生前身後名兼飲
二事何曾有重輕

可止亭

金印龍章屬市朝
清風明月屬漁樵
世皆蠶觸君知止
渠自王公我豈驕
真箇歸田何必賦
自家甘

隱不緣招老夫三徑都荒了松菊雖存已半凋

適菴

莫道尊鱸不近名儘談鵬鷃未忘情醉中賄得苦
溪月醒後還輸茂苑鶯豈但二豪俱不見向來三
傑亦何成有人來問適菴趣便是公榮也一觥

晨炊泉水塘村店無肉只賣笋蕨朝亭父

屠門深閉底須愁土銼無煙也莫羞笋便落林猶
勝肉蕨纔出土更燒油萬錢下箸今安在一飯流
匙飽即休吾道藜羹元不糝至今諱殺古陳州

陳州人諱餓殺孔夫子

高視石巖雨中雲氣蔽虧山色隱顯

絕頂仙人富寶熏水沉山子不論斤堆從平地到
天半併作清香一炷焚煙繞翠鬟蒼玉佩身披白
縠素羅裙更將萬斛薔薇露洒作素麻萬頃雲

詠續溪道中牡丹二種

絲頭粉紅

淡醋紅千葉蹙皺渾是花片無蕊甚麗其
香清軟花頭重五六兩許

看盡徽蘇譜與園牡丹未見粉絲君春羅淺染醋
紅色玉板蹙成裙指紋頭重醉餘扶不起肌香淑

處澹仍芬老夫生有栽花癖客裏相看為一醺

重臺九心淡紫進退格

明紫外有大片托盤甚瑩不皺中盛碎花片
而碎片之中又突起九高片高下皆皺葉鬱
金點綴生於高下花片之上甚佳其香清媚
而微酷

紫玉盤盛碎紫綃碎綃擁出九嬌饒却將些子鬱
金粉亂點中央花片稍葉葉鮮明還互照娉娉風
韻不勝妖折來細兩輕寒裏正是東風折半包

宿三里店溪聲聒睡終夕

破驛荒村山路邊斜風細雨客燈前子規一夜啼
到曉更待溪聲始去聲不眠

曉行道旁杜鵑花

泣露啼紅作麼生開時偏值杜鵑聲杜鵑口血能
多少不是征人淚滴成

曉行聞竹雞

山行三日厭泥行幸自今晨得一晴又聽數聲泥
滑滑情知浪語也心驚

一番行路一番愁還自兒時到白頭路不喚君君
自去為誰着直略切急不歸休

曉過新安江望紫陽山懷朱元晦

紫陽山下紫陽翁今住閩山第幾峯
退院歸來罷行脚被他強占一江風

明發茅田見鷺有感

自歎平生老道塗不堪泥雨又驅車
鷺鷥第一清高底拂曉溪中有幹無

雨中春山

誰作春山新幃子尖峯為筆天為紙
近看點綴八九山山外遠山三萬里
紙痕慘淡遠山昏上有長松青到雲
自嫌松色太青在旋拈粉筆輕輕蓋須

更粉淡松復青至竟遠山描不成

明發西館晨炊藹岡

盤蔬于孟飯越朝飢爭指枯腸作地基
不覺南山新笋蕨攪先占却未多時

人家爭住水東西不是臨溪即背溪
抄得一家無去處跨溪結屋更清奇

也知水碓妙通神長聽春聲不見人
若要十分無

漏逗莫將岸斗鎮隨身

宜歛就田水設碓非若江溪轉以車輻故碓尾大於

身鑿以盛水水滿則尾重而俯并乃起而春

何須名苑看春風一路山花不負儂
日日錦江呈

錦樣清溪倒照映山紅

明發祈門悟法寺溪行險絕

右緣絕壁左深溪頭上春霖脚底泥溪裏仰看應
落膽閉牕關轎不教知

一派泉從千丈崖轟霆跳雪瀉將來無論驚殺行
人著音兩岸諸峯震欲摧

山不人煙水不橋溪聲浩浩雨蕭蕭何須雙鷺相
溫暖鷺過還教轉寂寥

溪行盡處却穿山忽有人家併有田幸自驚心小
寧貼誤看田水作深川

山行政好又逢溪况是危峯斗下時知與此溪有
何隙遣他不去祇相隨

已是山寒更水寒酸風苦雨併無端詩人瘦骨無
半把一任殘春料理看

過閭門溪

祈門縣悟法寺下並大溪陸行二十里許兩
山環合復立雙石刺天如門溪水過雙石之
間極險名曰閭門縣之得名以此也門外乃
可登舟

點祈二邑水分源到此同流怒政奔忽值兩山盤

作峽更栽雙石挿為門中通翠浪繞容線仰看青
天細似盆灑瀆瞿唐姑未問祇經此險已銷魂

閬門外登溪船

步下新船試水初打頭攬載適逢予一椽板屋繞
經兩兩面油牕好讀書剩買春風木芍藥亂築斐
儿竹蘆篠清溪浮取松亭子賞徧千山不要驢
上得船來恰對山一山頃刻變多般初堆翠被百千
摺忽拔青瑤三兩竿夾岸兒童天上立數村樓閣
電中看平生快意何曾夢老向閬門下急灘
當面峯頭些子雲坐看吹作雨紛紛朝來山路能

愁我今者溪船正要君遠嶺輕盈橫皺殼明牕擦
亂觸驚蚊猶爭新漲一篙碧遮莫飄蕭二十分
選甚天時晴未晴舟行終是勝山行蓬快雨點斜
偏好枕慣波聲夢不驚幸自車徒小休息又聞鼓
笛鬧將迎偶然回首來時路一夜霜毛一倍生
無家不住曲溪邊祇種高山不種田絕壁入天天
入水亂篙鳴石石鳴舩百灘春浪雪頭過兩片林
花鏡底眠歸路商量更舟揖廬山彭蠡好風煙

誠齋集卷第三十四終
嘉定元年春三月男長孺編定
端平元年夏五月門人羅茂良校正

誠齋集卷第三十五

廬陵楊

万里

廷秀

詩

江東集

舟過城門村清曉雨止日出

五日銀絲織一籠金烏捉取送籠中知誰放在扶
桑樹愁怪滿溪煙浪紅

深村可笑是居民生長深山野水濱總出籬東攜
穉子走來岸上看官人

鬢鬆睡起攬詩編信手繙來誦數篇忽有篙聲仍

絕叫隔篷知是上灘船
行人都上半山青記得前朝傍險行左右回身看
不徹兩邊已失一灘聲
地錦花鋪地錦衣碧茸上織紫花枝垂楊舞罷鶯
停唱不捲華網待阿誰

人浮梁界

濕日雲間淡晴峯雨後鮮水吞隄柳膝麥到野童
肩漚漩嬉浮葉炊煙倒入船順流風更順只道不
雙

小灘

溪水無情知有情落灘告訢不堪聽前波到此方
嗚咽後浪依前作許聲

水到灘頭似語離自知無後再歸溪臨流莫灑離
人淚幸自灘聲未苦悲

船裏征人政念歸居人來看却嗟咨居人抵羨征
人着音研世世安生不自知

秧疇

田底泥中跡尚深折花和葉挿畦心晚秧初插金
犍線先種輸他綠王針雲壟霧疇俱水響絲風毛
雨政春陰莫聽布穀相煎急且為提壺強滿斟

水中山花影

閉轎那知山色濃
山花影落水田中
水中細數千紅紫
點對山花一一同

宿樂平縣北十里西塘

破店能無漏孤燈
肯更明中間通客路
終夜有人聲
坐又坐不得眠
來眠未成如何故
山友抵死怨躬耕

道旁桐花

春色來時物喜初
春光歸日興闌餘
更無人餞春行色
猶有桐花管領渠

過樂平縣

箏蕨都無且則休
茱萸半葉也堪羞
滿城都賣雪花齊
昨日愁人未是愁

過蒼山渡

自閏月十九日過宣城入寧國績溪新安休
寧初門浮梁至樂平皆山行三月四日出樂
平南二十里許過渡處始得平地江流甚闊
喜而賦之

千重溪水萬重山
半月深行井底天
井外還來天大情
在江心一眼四無邊

過白土嶺望見芙蓉峯七八峯最東一峯
特奇里人名為芙蓉尖云

看山須是高處看低處看來元不見君看矮子仰
高人只識長身那識面今晨雨止昇火輪一光銷
盡千山雲千山數日眼中失今晨頭角都爭出初
登峻嶺也心驚上到絕頂忽眼明天外數枝青玉
筆飛入錦囊寒突兀問來還是芙蓉尖閣開兩牕
高捲簾

田路泥行

路是新泥作泥逢積雨滂如綠大鮎脊更繞九羊

腸前店看殊近行人覺轉長商量避五嶺辛苦恰
相當初欲取務源路孫德操力勸云
不苦避五嶺之險故取初門

入弋陽界道旁兩石山一曰蘆山絕妙
一曰石人峯次焉上有一石起立如人

形云

一色將蒼玉雙堆作假山峯壘妙天下花草半巖
間舊瘦天風骨新晞兩髻鬟何人緣底恨化石立
屏孖顏

芙蓉渡酒店前金沙芍藥盛開

山店春光也自妍芙蓉渡口數家村箏輿低過金

沙架簞落踈圍芍藥軒孤客倦游殊寂寞兩花作
意與温存可憐經眼忽忽去不拆紅香倒綠尊

晨炊橫塘橋酒家小牕

飢望炊煙眼欲穿可人最是一青帘雙渠走水穿
三店獨樹欹流蔭兩簷牕扇透明仍挂上爐香未
燼更多添山村孤苦無良醞嫌殺芳醪似蜜甜

午憩馬家店

兩日田間路泥深惱殺儂却從平地上再入亂山
中水送隨行日牕留退後峯生衣兼草鞞年例試
春風

過松源晨炊漆公店

側塞千山縫也無上天下井萬崎嶇昨朝曾過芙蓉
渡尋到溪源一線初

山北溪聲一路迎山南溪響送人行也知流向金
陵去若過金陵莫寄聲

後山勒水向東馳却被前山勒向西道是水柔無
性氣急聲聲怒慢聲悲

日高谷底始去聲微暄嵐翠依然透骨寒說與行人
忙底事金雞聲裏促銀鞍

莫言下嶺便無難賺得行人錯喜催政入萬山圍

子裏一山放出一山攔

政是行人腸斷時子規得得向人啼若能渡得居
人臉始去聲信春愁總為伊

獵橋午憩坐睡

路是山腰帶苔為石面花隔溪聞鳥語疎竹見人
家兩足晴嵐耐神勞睡却佳睡魔推不去知我怪
新茶

吞徐子材談絕句

受業初參且半山終須投換晚唐間國風此去無
多子關接挑來抵等閑

過了頭巖

告老身心日五催又將烏帽點黃埃了頭巖下來
仍徃四十三年十二回

野薔薇

紅殘綠暗已多時路上山花也則稀蕊苴餘春還
子細燕脂濃抹野薔薇

道旁石榴花

待闕南風欲炷香東風打併住西堂石榴已著乾
紅蕾却問春歸有底壯

宿月巖

月華無滿亦無虧天借寒光劣半規長桂水盤下
弦時新生丹桂出輪枝偏令南省登金客爭賦東
堂片玉詩傳語姮娥還有妹請分一箇住幽奇

解舟上饒明禪閣前

玉水風船擘岸開一帆飛到兩花臺思量饒歛山
溪路夢裏征行也莫來

和王道父山歌

夜卧舟中聞有唱山歌者倚其聲作二

首王道父

生來不識大門邊一片丹心石樣堅聞道向郎難

得婦無嫌爭得到郎前

種田不收一年事取婦不着一生貧風吹白日漫
山去老却即時懊殺人

和

東家娘子立花邊長笑花枝脆不堅却被花枝笑
娘子嫁期已是蹉去春前

阿婆辛苦住西鄰豈愛無家更願貧秋月春風檐
閣了白頭始去聲嫁不羞人

雨後泊舟小箬回望靈山

靈山相識已平生雨後精神見未曾一朵碧蓮三

萬丈數來花片八千層雲姿霧態排天出竹杖芒
鞋欠我登羨殺峯頭頭上寺厭山不看是諸僧

小笈舟中望月

偶於古柳繫春舩雲放千峯月滿川跳入廣寒宮
裏坐下看碧玉鏡中天斯須萬象都成雪遮莫三
更且未眠歸到金陵入官府夢中說夢也無緣

過龜峯

大龜昂首瞻南天仙人赤脚騎龜肩小龜一雙走
隨母指爪穿盡追不前仙人不知卜何事蹈脫綠
毛紛滿地老夫也要鑽一鑽何日故園遂歸計

寄題程元成紛事山居三詠

葵心堂

人笑戎葵定自癡不愁曦景蚤兼遲便令隔霧光
難到也則傾心苦為誰衛足平生非我志向陽一
點只天知話頭試問伯休父休父丹衷便是葵

秀野堂

梅竹來禽帶月栽牡丹菡萏照江開新安見底正
如此舊雨故人從不來秀色野香供雪飲名章俊
語用雲裁無論獨樂兼同樂殘面春風翠作堆

攬有亭

葵心一岫阜南涯秀野諸峯走北來中起新亭雙
奄有盡驅景物四邊回木居士作煨塵歎孤竹君
真梁棟材知有此亭無此樣併煩與可灑松煤亭
不用寸木
以竹為之

野茶藤

去歲諸司賞物華茶藤一會屬儂家今年不識茶
藤面却買茅柴對野花
不識茶藤恨殺人野花香裏度芳農寄牋為報東
皇道不理今年一箇春

舟過安仁

恰則油牕兩點聲霎時花嶼日華明不須覆手仍
翻手可殺春雲沒十成

初受遙山缺畫圖忽然卷去淡如無莫欺老眼猶
明在和霧和煙數得渠

一葉漁船兩小童收篙停棹坐船中怪生無兩都
張傘不是遮頭是使風

南風作

音

兩北風休豈是春雲得自由只者去聲天

時過湖得長年報道不須愁

渭川千頃在詩胸不管屠羊肆裏空蹈破菜園妨
底事莫教蹈到竹園中

過都陽湖天晴風順

湖外廬山已見招春風好送木蘭撓青天挾日波
中浴白晝繁星地上跳萬頃琉璃吹一葉半簪霜
雪快今朝廬陵歸路從西去却峭東帆趁落潮

舟至湖心望豫章西山雲起風雨驟至

橫洲送我忽俱還四顧無邊已慘顏雪浪撞天吞

几子湖心山名砲雲將雨起西山一聲霹靂從空下萬

丈金蛇掣斗間舟子驚呼總無色平生忠信且今

番

悶歌行

阻風泊湖心康郎山旁小洲三宿作悶歌

山行舊路不堪重及汎湖波又阻風世上舟車無

一穩乾坤可是剩詩翁

同列諸公總勸予歸時功莫過重湖婺源五嶺祈

門峽今是危塗是坦塗

一夜顛風翻却天簸將白浪到天邊康郎尚自無

根脚斗大青洲頭却繫船

問來鄔子到南康水路都來兩日強屈指行程誰

道遠如今不敢問都昌

都昌至南康尚百里

書策看來已覺煩詩篇厭了更休論客心未便無
安頓試數油牖兩點痕

一風拋起萬瓊樓几子康郎總掉頭莫怕浪高洲
盡沒海船下碇併無洲

新詩哦罷倦來眠蝴蝶飛游八極邊船外風濤如
霹靂一聲不到睡鄉天

湖心何許有人煙上下雙天兩點山大吠雞鳴四
船裏旋成水國一家村

船上猶餘一日糧湖心糧盡糴何鄉仙家辟穀從
誰學明日無炊即秘方

南人方理北歸舟北地風來便作愁不道北船等
多日北風不作不成休

大風動地卷波頭索酒頻添醉未休不判明朝教
作病却圖今夕要忘愁

風力掀天浪打頭只須一笑不須愁近看兩日遠
三月氣力窮時會自休

明發康郎山下亭午過湖入港小泊棠陰
岩回望豫章西山慨然感興

大江日東流我坐自向西亦復拜新月不為學蛾
眉恭惟月生處下臨故園池青松一萬株牡丹三

千枝床下枕北山簷前漱南溪歲歲身不到夜夜寃
必歸魂歸諒何益夢覺心自怡寃夢尚如許而况
真歸兮前日至鄔子西山出湖湄如見鄉人面一
笑相娛嬉旅情得暫欣鄉愁動長思今朝發康郎
一路能相隨我舩趨都昌回首尚見之偶雨轉港
汊極目煙水迷不得一揖別悔懊庸可追

解舟棠陰砦

湖盡有殘渺情知無悖瀾縱眺猶杳空至竟濟者
安回思遇險時分晷過亦難亦豈有奇畫死生聽之
天安知天矜否此外無控搏一風動旬月三日忽

自闌未涉浪自怖既涉焉用驪畏塗已數踐老命
偶再全還家切勿訥空遺兒女潛亦勿訥同列同
列已預言

宿四望山下望廬山

過湖見遠岫澹若橫碧煙晨蔚動霽暉春滋涵兩
鮮人世那有此心疑是廬山宿驚恍未定欲問無
暇言落日泊四望諸峯森在前老夫急親指舟子
荅果然平地起屏障倚空開旗旛潛抱秀潤質不
露奇怪顏乃知名山尊未與几嶺班嚴重王公体
雍容德人賢何必出鋒銳要駭俗子觀坐令我生

敬瞻仰忘憂端更待孤月出開蓬望晴巖

明發四望山過都昌縣入彭蠡湖

衆船爭取疾直赴兩山口吾船獨橫趨可在衆船
後問來風不正法當走去聲山右不辭用盡力要與
風相就忽然挂孤帆吾船却先走

宿廬山栖賢寺示如清長老

清風迎衣襟白雲捧脚底飄然徑上廬山頭誰道
栖賢三十里鄉禪引到獅子峯旃檀噴出香霧濃
此一辨香為五老一笑問我顏猶紅右看南嶽左
東海方丈祝融抹輕黛群仙遙勸九霞觴金盤玉

箸鯨魚膾急呼清風與白雲送我更往會列真卿
禪恐我忽飛去挽着衣襟復留住下視落星石一
拳長江一線湖一消醉掬玉洲亭下泉磨作墨汁
灑醉篇

題栖賢寺三峽橋

栖賢與楞伽初本共一山古潭宅神龍睡醒厭久
跼是夕起雷雨震得天地翻此山折為兩一溪斷
中間下窺黑無地上攀青到天從此兩禪寺路絕
不往還祖師見之笑彈指降神姦問天借橫蜺搭
渡溪兩邊倒傾千崖雪飛下一玉洲餘怒尚雷吼

聲技諸峯根我來不能去輕生倚危欄忽然心為
動毛骨森以寒上人指斷岸猶帶初折痕

徧游廬山示萬杉長老大璉

余夜宿栖賢詰朝行散同臨川危科逢吉南
豐黃文暘世高永嘉周寓泰叔宣城郭儀令
則栖賢老如清萬杉大璉開先師序歸宗道
賢徧觀廬山紀行示萬杉

有輿小斑筠地志古青冊初穿千長松忽仰萬絕
壁觀山不知名披志失山色行行問不住一一漸
可識何代五老人登峯化為石年齡今幾春齒牙

諒無力天賜五玉乳與渠供朝食淵明醉眠處石
上印可迹逸少養鵝池蘚花漬餘墨鶴鳴南天青
龜拜北斗白栖賢緣不淺月枕借雲席萬杉與開
先弄泉碎珠璧病眸貪窮眺跣趾怯周歷同游多
後人淡話半禪伯茲來殆天假不甬豈人及歸舩
載曉星回首兩相憶五老五乳鶴鳴龜行皆峯名
龜行者行而朝北斗也山上
有淵明醉石
右軍鵝池

題漱玉亭示開先長老師序

山根玉泉仰面飛飛出山頂却下馳自從廬阜瀉
雙練至今銀灣乾两支雷聲驚裂龍伯眼雪點濺

濕姮娥衣寄言蘇二李十二莫愁瀑布無新詩

又跋東坡太白瀑布詩示開先序禪師

東坡太白兩詩翁詩到廬山筆更鋒倒挂銀河分
一派擘開玉峽出雙龍天孫織錦機全別仙子裁
雲手自縫界破青山安用洗沈他瀑布却愁儂

贈歸宗長老道賢

地下歸宗天下傳老夫剩欲到雲邊王弘送酒催
歸去且省遠公沽酒錢

過江州岸回望廬山

廬山山南刷銅綠黃金鋸解純蒼玉廬山山北潑

藍青碧羅幃裏翡翠屏昨日山南身歷徧今朝山
北舟中看山南是我所部民山北是我鄉中人部
民鄉人何厚薄有人問我山羨惡詫南賒得鄉里
嫌評北又道月且嚴兩平只在一言內山如西子
破瓜歲山南是面北是背

南石山
北土山

大孤山

小姑小年嫁彭郎大姑不嫁空自孀小姑有夫似
織女大姑無夫如何姮盧茲也曾作媒妁執柯教
與五老約東方一老差妙齡

五老峯東
一峯短小匹似彭郎

却老成大姑背面啼更道豈有老人會年少大姑

年來年去今亦老

過湖口縣上下石鍾山即東坡所記者是
夕宿其下

上鍾山下鍾山兩鍾甬大音何處懸滄波作杵天
作簾懸在江湖都會間蜀江西來一萬里章江南
來會於此更著鄱陽與彭蠡混同四水作一水萬
歲千秋撞不止兩鍾可是難當抵上鍾打得到骨
髓下鍾打穿胸腹底世無坡老辨古器誰知出自
周與魏老夫不能認歎識願聞大聲開病耳今夜
月明正無滓

發揚港渡入交石夾

朝雨匆匆霽春山歷歷嘉老青交幼綠暗錦出明
花漁艇十數隻雞聲三五家人生須富貴此輩亦
生涯

入夾寬中窄臨流慢處深朝陽明衆岫西崦自多
陰脫袴嗔人儉提壺侑我斟老來除飲外半點沒
春心

山斷情相接江同派暫分無風猶細浪有日却輕
雲生熟衣中半陰晴氣兩熏還家渾欲早徐掉也
堪飲

荻岸何時了松舟幾日停波來全蜀白樹去兩淮
青柔擗殊清響征人自厭聽不知誰子醉垂手瞰
江亭

過彭澤縣望淵明祠堂

夢裏邯鄲熟談間栗里親不聞擔板漢曾羨米薇
人停待容來日商量尚小貪只欺五斗米典沒萬
金身

小孤山

大姑老已醜小姑少而秀婷婷獨立水精宮羅襪
生塵飄翠袖彭郎坦腹方醉眠小姑起舞春風前

古來同室無雙美天壤乃有彭郎子

大孤一萬石
立中流前昂
後低與小姑相去二百里小姑一夫石峯甚秀彭
郎磯一橫石山與小姑對立兩岸舟過其間

小螳螂歌

清晨洗面開蓬門巨螳螂在水上奔前怒兩臂秋
竹竿後拖一腹春漁舩偶然拾得破蛛網掣取四
角沉重淵柳上螳螂工捕蟬水上螳螂工捕鱸捕
蟬頗頗得蟬食捕鱸何曾得魚喫

阻風鄉口一日詰朝舩進兩作再小泊雷

江

朔吹憎舩進東瞰讓兩行雲移青嶂動鴉度白雲

明淹泊寧吾願吟哦且容情江邊一株柳憔悴似
餘生

幸自無多雨其如不醞晴響牕踈復密暈水滅還
生鷺競波中影山凝島外情殘春只五日留取作

江行

山已多姿了雲仍太劣生濃橫半嶺白淡掃數峰
青照水影顛倒迎曦時晦明吾泓不孤殺去天賜
碧瑤屏

鮮舟雷江過東流縣

雲散煙還合天昏日半烘青山猶淡白碧水欲輕

紅棹進欣恬浪公無怨逆風回思五湖裏敢望大
江東

阻風泊舒州長風沙

苦被淮西市苛留江表舩聞村紅酒賤看網白魚
鮮元是滄浪客况逢花柳天山川噴老我醒眼對
風煙

鮮纜鸞溪北浮舟鴈汭東纜逢一目順却阻四程

風萬事乘除裏千年瞬息中請君明着眼造物一

但公廬山下有
鸞溪橋

江雨

兩點飛來水面初濕銀盤裏走真珠龍宮可是忙
收拾萬斛齊傾半霎無

兩裏油牕莫要關滴來堪翫洒堪聞萬珠貢入龍
宮了贖得簷前數顆看

翡翠洲橫綠錦山真珠汁洗水精軌江天萬景無
拘管色去與詩人塞滿船

三月晦日

春光九十更三旬暗準三旬賺殺人未到曉鍾君
莫喜暮鍾聲裏已無春

過池陽舟中望九華山

役役催行邁忽忽過此春杯翻五湖月箏掃九華
雲不是風煙好何緣句子新茲游四千里今日過
三分

解舟銅陵望淮山白雲

天惜淮山不惜銀渾銀砌起一長城淮山裏在銀
城裏半出諸峯越樣青

銀城遮不盡淮山許事何緣便達天誰遣詩人強
饒舌和山失却忽蒼然

隔岸

隔岸淮南樹中流渡北人數來無急務一數一回

新

題東西二梁山

發蕪湖舟過東梁西梁二山皆石峯夾大江對立兩涯即抹石蛾眉亭所望見如雙

眉者

二梁雙黛點東西牛渚看來活底眉阿故畫時微

失手一眉高着研青一眉低

莫恨當初畫得偏却因偏處反成妍喜來舒展愁來蹙各樣嬌饒更可憐

傳道臨春昔麗華不從陳帝入隋家獨拊亡國干

年恨留下雙顰寄片花

舟過凌歊臺望謝家青山

南風久別忽言還又苦河流九曲灣若要順風兼順水拖頭背指謝家山

發慈湖過烈山望見歷陽一帶山

夢繞天津月再灣慈湖解纜已開顏淮山到眼渾相識直北青梢是定山

一出還添二百詩風光投到費推辭江湖物色休吟盡留取西歸一半題

舟過鵝行口回望和州雞籠山

兩月青山不暫離入城未見有山時萬峯送我都
回去只有雞籠未肯辭

讀唐人于漬劉駕詩

劉駕及于漬死愛作愁語未必真許愁說得乃爾
苦一字入人目蜚出兩睫兩莫教兩人心一滴一
痛楚坐令無事人吞及割肺腑我不識二子偶覽
二子句兒曹勸莫讀讀着恐愁去我云寧有是試
讀亦未遽一篇讀未竟永慨聲已屢忽覺二子愁
併來遮不住何物與解圍伯雅煩盡護

跋常寧縣丞葛齊松子固衡水道中行紀

詩卷

宜江風月丹溪雲總與誠齋是故人老向煙波詩
句裏一朝雙看兩州春

葛君自號
煙波子

跋葛子固題蘇道士江行圖

江行圖上指君山寄語煙波不用看烝水買船歸
雪水全家般入畫圖間

送丘宗卿帥蜀

人似隆中漢卧龍韻如江左晉諸公四川全國牙
旗底萬里長江羽扇中玉壘頻清開宿霧雪山增
重起秋風近來廊廟多西帥出相誰言只在東

諭蜀宣威百萬兵不須號令自精明酒揮勃律天
西枕鼓臥蓬婆雪外城二月海棠頰國色五更杜
宇說鄉情少陵山谷千年恨不遇丘遲眼為青
蜀人說蜀不能休花作江山錦作州老我無緣更
行脚羨君來歲領遨頭碧雞金馬端誰見酒肆琴
臺訪昔游收入西征詩集裏憶儂還解寄儂不

題曾無疑雲巢

蘭芷溪頭子曾子日飯蘭花飯溪水猶嫌塵土澆
荷衣移家龍山西復西清晨芒屨上山背瞥見寸
雲石邊起忽追捉得絮一毳襟衣袖裏不放休須

史奔騰觸懷出散滿晴空那可收雲師却與曾子
戲展為大幕裹為幙獨攜曾子登雲巢其上無天
下無地忽聞阿香笑一呼曾子驚顧巢亦無歸來
作巢學雲樣夜夜雲來宿巢上

寄題廬山楞伽寺三賢堂呈南康太守曾

致虛

山房牙籤三萬軸六丁下取歸群玉空餘坡老枯
木枝雪骨霜筋挿雲屋楞伽老僧懷兩賢作堂要
與祠千年只供清風薦明月不用秋菊兼寒泉江
西社裏曾常伯李家玉潤蘇家客併遣巫陽招取

來分坐廬山泉上石

自金陵得郡西歸曉發梅根市舟中望九
華山進退格

山外雲濃白峯頭日淺紅橫拖一尺綃直掃九芙蓉
奔走來船裏提携入袖中寄言杜陵老不用剪
吳松

發趙屯得風宿揚林池是日行二百里

動地風來覺地浮拍天浪起帶天流無翻柳樹知
何喜拜殺蘆花未肯休兩岸萬山如走馬一帆千
里送歸舟出籠病鶴孤飛後回首金籠始欲愁

題謝昌國桂山堂

良齋引袖出明光歸卧西江一草堂種滿山中渾
是桂怪來月窟更無香九秋金粟供朝飯三徑黃
花併夕糧屨上星辰冠上象一時脫却濯滄浪

嘉定元年春三月男

長孺 編定

端平元年夏五月門人羅

茂良 校正

誠齋集卷第三十五終

誠齋集卷第三十六

詩

退休集

自金陵西歸至豫章發南浦亭宿黃家渡
過了重湖雪浪堆章江欲盡塗江來到家無此江
山景盡舫行遲不用催

送劉惠卿

安成劉惠卿舊字彥仁善醫有子讀書攜良
齋詩見過作兩絕句書于後

廬陵楊

万里

廷秀

活却千人藥一囊陰功吹作滿城香靈椿丹桂君
家有莫羨燕山寶十郎

舊病詩狂與酒狂新來泉石又膏肓不醫則是醫
還是更問無方定有方

十月四日同子文克信子潛子直材翁子
立諸弟訪三十二叔祖於小蓬萊酌酒摘

金橘小集成長句

誠齋老子不奈靜偶拄烏藤出苔徑獨游無伴却
成愁群從同行還起興每過一家添一人須臾保
社如煙雲褰裳涉溪溪水淺着屨度橋橋柱新蓬

萊一點出塵外南溪裏在千花裏芙蓉照波上下
紅琅玕繞屋東西翠槿籬竹戶重復重雞鳴犬吠
青霞中蓬萊老仙出迎客朱顏綠髮仍方瞳餐菊
為糧露為醕染霧作巾雲作屨欣然領客到仙家
行盡蓬萊日未斜更傾仙瓢酌仙酒酒外飄邈亦
何有偶看小樹雙團欒碧瑠璃葉黃金丸主人忍
喫不忍摘笑道未霜猶帶酸小僮隨我勇過我不
管仙翁惜仙果爭挽風枝揀霜顆爭獻滿盤來釘
坐隔水蓬萊看絕奇蓬萊看水海如池主人勸客
對絕境不飲令儂怒生癭何如寄下未盡瓢留待

早梅賞跡影

水仙盛開留子上弟小酌

手種凌波香今歲便十斛要知誠齋中富底水仙
國有酒偏欠花有花恨無客與子對花前不醉便
了得待勸已非真不勸兩自索安知醉與醒今夕
定何夕

癸丑正月新開東園

長恨無錢買好園好園還在屋東邊周遭旋闢三
三徑只怕芒鞋却費錢

與子上雪中入東園望春

草草東園未整齊却於看雪最清奇莫嫌踏濕青
鞋子自有瓊瑤隔路泥

松關

竹林行盡到松關分付雙松為把門若放俗人來
一箇罰渠老瓦十分盆

萬花川谷

無數花枝略說些萬花兩字即非夸東山西畔南
溪北更沒溪山只有花

度雪甚

二月盡頭三月來紅紅白白一齋開醅釀正要金

沙映真道金沙只漫栽

碧瑤洞天

青松萬樹竹千竿蒼翠中間別一天從此洞天三十七初頭且數碧瑤仙

三三徑

東園新開九徑江梅海棠桃李橘杏紅梅碧
桃芙蓉九種花木各植一徑命曰三三徑云
三徑初開自蔣卿再開三徑是淵明誠齋奄有三
三徑一徑花開一徑行

雪後東園午望

天色輕陰小齋中晝眠初醒未惺鬆梅橫破屋無
多雪雲放東山第一峯不道風光虧此老將何功
業谷殘冬土羔菜甲鵝兒酒醉入梅林化作蜂

玉盤盃

旁招近侍自江都兩歲何曾見國姝看盡滿欄紅
芍藥只消一朵玉盤盃水精淡白非真色珠璧空
明得似無欲比此花無可比且去水骨雪肌膚

泉石軒初秋乘涼小荷池上

芙蓉落片自成舡吹泊高荷傘柄邊泊了又離離
又泊看他走徧水中天

寄朱元晦長句以牛尾狸黃雀冬猫笋伴書

大武尾商名季狸目如點漆膚凝脂江夏無雙字
子羽九月授衣先着絮何如苗國孤竹君排霜傲
雪高拂雲子孫總角遁歸根金相玉質芝蘭芬三
士脂韋與風節借箸酒池俱勝絕先生胸次有皂
白一醉不須向人說

跋臨川梁譯居士孝德記

雪裏星奔避亂兵母先子後赴寒冰祇知判得身
俱死不料還同母再生

猗箇當時發一心通天通地總渠臨芝蘭玉樹今
爭秀豈但一枝生桂林一孫登第

南齋前衆樹披猖紅梅居間不肆因為翦
剔

道是司花定有神元來造化在詩人掃除碧樹無
情乃放出紅梅恣意春

七字長句敬餞提刑寺丞胡元之持節桂
林

江西太守說誰子只說吉州有新事棘闈照日動
碧鱗粉堞入雲橫爛銀三年八邑邑熟一任千

日日春君不見吉州太守清何似白鷺江心秋
見底除却太倉五升米不曾遣人來向市四鄰東
脩來相看不將入家將入官清名襲人水霜寒隨
風一夜入九閩帝曰桂林五千里象犀珠玉生海
裏安得使者人人皆如此金捐於山珠抵水却從
吉州奪五侯一州奪與三十州梅花一笑迎漢節
桂花八株吹嶺雪使星歸去作台星音去過即
星與卿月

吞賦永豐宰黃巖老投贈五言古句

吾友蕭東夫人今日陳后山道肥詩彌瘦世忙渠

自閑不見逾星終每思即凄然鄰邑黃永豐與渠
中表間黃語似蕭語已透最上關道黃不是蕭蕭
乃隨我前佳句鬼所泣盛名天甚慳詩人只言點
犯之取飢寒端能不懼者放君據詩壇

甲寅二月十八日牡丹初發

排月上牙牌記花先後開看花不子細過了却重
回

燕脂樓子

樓子燕脂色燈前艷更鮮看花直到曉今夕不成
眠

賞牡丹

把酒看花繞畫欄
病身只得忍輕寒
主人半醉花微倦
下却珠簾放牡丹

上巳日周丞相少保來訪敝廬留詩為贈

揚監金勝賀監家
賜湖豈比賜書華
回環自闢三三徑
頃刻常開七七花
門外有田聊伏臘
望中無處不煙霞
却慙下客非摩詰
無畫無詩只謾誇

和謝

相國來臨處士家
山間草木也光華
高軒行李能過李
小隊尋花到浣花
留贈新詩光奪月
端令老

子氣成霞無論藏
去傳詒厥拓向田
夫野老誇

因種醪醕金沙作度雪臺以下臨之醪醕

瘁而金沙獨茂

獨種醪醕冷却伊
金沙作伴暖相依
醪醕枯了來年補
且看金沙也自奇

東園墻隅雙松可愛栽醪醕金沙以繞其

上

雙松樹子碧團欒
紅錦纏頭白錦冠
儘放花枝過墻去
不妨分與路人看

登度雪臺

欲問金沙信聊登度雪臺
碧桃良解事開過架梢
來

兩後登度雪臺

三日東園近却餘東風翦翦
兩斜斜春容雨打風
吹盡猶有金沙最後花

東園幽步見東山

日
日日花開日日新
問天氣得自由身
不知白髮蒼顏裏
更看南溪幾箇春

何曾一日不思歸
請看誠齋八集詩
到得歸來身已病
是儂歸早是歸遲

為愛東園日日來
未曾動脚眼先開
南溪頃刻都行徧
更到東山頂上回

天賜東園食實封
東山加賜在園東
東山山色渾無定
陰處青蒼曬處紅

東園新種桃李結子成陰喜而賦之

桃李今春勝去春
添新換舊却重新
冥搜奇特根窠底
妙簡團欒樹子勻
移處帶花非差事
登時著子亦娛人
坡云十載方成蔭
未解誠齋別有神

芍藥宅

風雨敗花為花作宅
上棟下宇瓦之壁之皆

以油簾

何以築花宅筆直松樹子何以蓋花宅雪白清江
紙紙將碧油透松作畫棟時鋪紙便成瓦瓦色水
精似金鷗暖未焰銀竹響無水汗容清不泣晴態
嬌非醉盡收香世界關在閑天地風日幾曾來蜂
蝶獨得至勸春入宅莫歸休勸花住宅且小留昨
日花開開一半今日花飛飛數片留花不住春竟
歸不如折挿瓶中看

為牡丹去草

手種名花夢亦隨一年年望好花枝為花去草優

饒處兩袖青苔十指泥

雨後步東園

晴縑金線不勝垂寒勒青針未放齊拄杖能言忽
相報三三徑裏已無泥

初夏即事

旋作東陂已水聲纔經急雨恰新晴提壺醒眼看
人醉布穀催農不自耕一似老夫堪笑死萬方口
業拙謀生朝紅侮綠成何事自古詩人沒十成

枕上聞子規

半世征行怕子規一聞一歎一霑衣如今聽着渾

如夢我自高眠汝自啼
去年借宅寄生兒今歲群兒又學伊
差面見他鶯與鷺向人強道不如歸

趙村

白樂天洛陽春詩云明日期何處杏花遊趙村
自注云洛陽城東地名趙村有杏花千樹
又游趙村杏花詩云趙村紅杏每年開十五
年來看幾回子東園杏花徑亭子因命曰趙村

杏花千樹洛陽春白傳年年愛趙村月藥晴葩風

露格老夫移得在東園

有歎

飽喜飢嗔笑殺儂鳳皇未可笑徂公儘逃暮四朝
三外猶在桐花竹實中

四月三日登度雪臺感興

高臺喜登眺登眺觸老情入夏又涉三餘春安得
停兩欄漂老丹風架舞世青秧生麥將熟素盡爾
已成盛衰亦其常無賴豈有榮古今非千載一瞬
即古今慨然顧八荒此理誰與評我友諒無益有
益或翹生生雖不能言其言如震震但令我懷遺

未問醉與醒

寄陸務觀

君居東浙我江西鏡裏新添幾縷絲花落六回踈
信息月明千里兩相思不應李杜翻鯨海更羨夔
龍集鳳池道是樊川輕薄殺猶將萬戶比千詩

寄張功父

問訊子張子詩狂除未除年時一健步寄我數行
書舊矣哦招隱誰歟誦子虛江湖隔京洛不是愛
相踈

清曉行散

清曉東園政好嬉忽然竚立小遲遲為逢咫尺青
松上無數群鷺政亂啼

喜雨

欲知一雨愜群情聽取溪流動地聲風亂萬疇青
錦褥雲摩千嶂翠瑤屏行人隔水遙相語立鷺摧
枝忽自驚歲歲只愁炊與釀今愁無甑更無餅

兩後子文伯莊二弟相訪同游東園

北阮稀相見東園肯到無鞋留沙跡淺扇答雨聲
踈新長水三尺倒漂梅一株炊煙起山崦好箇晚
村圖

嘗桃

金桃兩釘照銀杯一是我來一買來香味比嘗無
兩樣人情畢竟愛親栽

菊夏摘則秋茂朝涼試手

種菊君須莫惜他摘教禿禿不留此此花賤相君
知麼從此千千萬萬花

雲際院小池荷花纔落一葉急承

欲落荷花先自愁如何落後免沉浮誰將碧玉圓
盤子和藥和花一一收

六月初四日往雲際院田間雨足喜而賦

之

高下田疇水闕鳴泥深路滑不堪行請君聽取行
人語只箇愁聲是喜聲

去年今日政迎神禱雨朝朝禱得晴今歲神祠免
煎炒更饒簫鼓賽秋成

題王才臣南山隱居六詠

菴敬日強齋

居人晏猶眠行子夕未宿此心從何生却道力不
足

格齋

讀書輪何知問羊馬何與二理仍兩心終無研究處

南谷

我生本南溪我長寓南谷是子底無良奪我谷中菊

竹亭

春亦只如是冬亦只如是別有一清風請君參此味

松菴

與花不同色與竹元同德風月偏相尋携手清涼

國

瘦亭

蜀張與蜀花鄉人相解后人存花更瘦人去花亦瘦

夏夜誠齋望月

山居道是沒空庭不道誠齋敞更明萬里青天元是水半輪皎月忽成冰只今夏熱已如此若到秋高何似生玉兔素娥兼老子三家一樣雪鬢髯

誠齋步月

先生散髮步庭中孤月行天露滿空已入廣寒宮

裏去如何別覓廣寒宮

挂樹何曾不長枝月輪却有不圓時若教挂樹只
管長撈折月輪誰補伊

止酒

止酒先立約庶幾守得堅自約復自守事亦未必
然約語未出口意已慘不驩平生死愛酒愛酒寧
棄官億昔少年日與酒為志年醉則卧香草落花
為繡氈覺來月已上復飲落花前襄腸不禁酒此
事今莫論因酒屢作病自崇非關天朝來腹告痛
飲藥痛不痊銳欲絕伯雅已書絕交篇如何酒未

絕告至愁已先我與意為仇意慘我何便不如且
快意伯雅再遣前來日若再病旋旋商量看

跋蕭彥毓梅坡詩集

西昌有客學南昌衣鉢真傳快閣旁坡底詩人梅
底醉花為句子藥為章想渠蹋月枝枝瘦贈我盈
編字字香若畫江西後宗派不愁禽賊不禽王

入郡城泊文家宅子夜熱不寐

毒熱通宵不得眠起來弄水繞庭前大星跳
銀盆底翻動琉璃一鏡天

去聲

六月將晦夜出凝歸門

暑裏街頭可久傳今宵無月也宵征一天星點明
歸路十里荷香送出城山轎聲聲柔艣緊葛衣眼
眼野風清五更月出還家了不早相期作伴行

荷池小立

點鉄成金未是靈若教無鉄也難成阿誰得似青
荷乘解化清泉作水精

幽居感興

葛制衣水餐消幾錢雲棲水宿本臞仙回頭背汗渾
如雨賺却閑身四十年

觀魚

老夫不柰熱跣足坐瓦鼓臨池觀游魚定眼再三
數魚兒殊畏人欲度不敢度一魚試行前似報無
他故衆魚初欲隨幡然竟回去時時傳一杯忽日
將暮

秋涼晚酌

寄老山林度懶殘新秋又是一年年青編翠竹風
牕月白酒紅蘂水檻天暑欲謝時偏更毒儂當醉
後怒渠顛者稀尚隔來年在且醺今宵藥玉缸

荷池觀魚

截山剡沼貯泉流旋種儵魚絕善游細數未齊還

已亂群嬉半沒忽全浮荷錢荇帶來復去雪片銀
花稀却稠我樂自知魚似我何緣惠子會莊周

同子文材翁子直蕭巨濟中元夜東園望

月

雜碎輕雲白錦鱗十分圓月濕銀盆錦鱗散盡銀
盆在依舊青天無點痕

月到東園分外光行行坐坐間傳觴生愁踏碎千
花影回顧千花總不妨

十六日夜再同子文巨濟李叔粲南溪步

月

際晚溪游暮欲歸追涼逐勝却成遲月如醉眼生
紅暈山作愁眉帶淡姿天下無人閑似我秋邊有
句說從誰弟兄一再更相送行到更深笑不知

重九前四日晝睡獨覺

睡思初酣過午睡起來四顧已斜陽添糊牕隔無
風氣旋曬衣裘有日香舊雨不來從草綠新豐獨
酌又花黃去年重九窮壯過可遣今年更作壯

重九後二日同徐克章登萬花川谷月下

傳觴

老夫渴急月更急酒落杯中月先入領取青天併

入來和月和天都蘸濕天既愛酒自古傳月不解
飲真浪言舉杯將月一口吞舉頭見月猶在天老
夫大笑問客道月是一團還兩團酒入詩腸風火
發月入詩腸水雪潑一杯未盡詩已成誦詩向天
天亦驚焉知萬古一骸骨酌酒更吞一團月

寄題劉巨卿家六詠

詣齋

紫鸞自起請一日可天地兒郎但讀書聖處底難
至

蒙齋

是心如維斗萬物所取正蒙之以微雲孤光更淵
靚

拙菴

天下無箇事巧著勅畧切事便生濂溪一賦在座右
不須銘

西隱

山林與朝市隱處俱未是只箇西枝西默坐且求
志

壺天

其大彌九蒼其小貯一壺靜觀性中天大小竟何

如

來薰軒

薰風自南來萬象皆披襟老子本不熱看他度青
林

題玄潭觀雪浪閣

贛江西來千里許流到閣前虬鬚怒旌陽橫劍居
上頭却喝長江教倒流跳作浪花雪山立濺得琳
房滿山濕即今水落未足觀桃花浪起君來看一
波打牖君膽寒

贈寫真劉敏叔秀才

水鑑傳神苦未工傳來恰恰五秋風又將老醜形
骸子般入劉家畫苑中

江右傳神下筆親杉溪集裡識劉君君今有子能
傳業撞過煙樓更入神

跋寫真劉敏叔八君子圖

寫趙韓王韓魏公文潞公司馬溫公王荆公
六一先生東坡先生山谷先生小像手軸
一代一兩人國已九鼎重如何八君子一日集吾
宋古人三不朽諸老一一中久別忽相逢相對恍
如夢

詩人王季廉挽詩

手探廬溪領下珠詞林再嘯老於菟不餐煙火惟
存骨吟殺江山失却鬚錦里鷺花餘故宅灞橋風
雪入新圖只今醉卧長松下猶要能見捉轡無

乙卯春日三三徑行散有感

東園一日走千巡又見龍飛第一春桃李成陰儂
已老江山依舊歲還新穿花踏影渾無日隔徑聞
聲不見人學省同寮各星散白雲珍重伴閑身

立春檢校牡丹

牡丹又欲試春粧惱得閑人也作忙新舊年頭將

替換去留花眼費商量東風從我袖中出小蕾已
含天上香只道開時恐腸斷未開先自斷人腸

曉起探梅

一生劫劫只長塗投老山林始定居夢破燈青牕
欲白猶疑雪店聽雞初

打併人間名利心萬山佳處一溪深仙家忍餓禪
家苦老子梅邊政醉吟

一祖南枝派五房紅黃萼綠蠟鴛鴦杏紅千葉元
無種誰子翻騰箇樣粧

江梅小樹打頭開便有紅梅趁脚來攬得杏紅開

火急春風已落第三回

題曾無媿月牕

阿兄作音雲巢阿弟作月牕乾坤清氣只雲月一
家兩手併取將作巢不用木只架雲為屋作牕不
用檣只掇月為庭堯羅繇上住兄子銀色界中著
吾弟阿兄雲向筆下生阿弟月向詩中明弟兄雲
月兩清絕雲月何曾有分別不知雲月入胸中為
復胸中有雲月

人日後歸自郡城

倦來睡思酒般醲曉起東園看曉風孤負梅花三

四月新年人事到城中

久雨小霽東園行散

兩寒兩月勒春遲初喜雲間漏霽暉道是攀花無
兩點忽然放手濺人衣

中和節日步東園

兩晨又不到東園沙徑朝來合小乾可惜紅梅將
落去怕風怕雨不來看
五出桃花千葉緋團藥繞樹間芳菲攀來欲折還
休去看到殘紅教自飛
一年佳節又中和三分春光一已過莫恨峭寒花

較脫留連春色儘從他

嘉定元年春三月男

長孺

編定

端平元年夏五月門人羅

茂良

校正

誠齋集卷第三十六終

誠齋集卷第三十七

廬陵楊

万里

廷秀

詩

退休集

二月十日留子西材翁二弟晚酌

丁流迷沉一小炷聚作香雲散香霧清尊相屬對
花前政是一年春好處海棠初試川樣粧垂絲新
出濯錦江杏花欲落桃李折牡丹未折已國香酒
行莫壯且一瓊一瓊一番一行散徧行九徑却重行
莫遣一花不相見酒教少酌花多看盡千花却

深勸今宵無月不須燈千樹李花如畫明

登度雪臺下臨桃李徑

桃花夾外李當中三徑花開兩徑紅獨繞畫簷無
箇事自攜團扇撲黃蜂

萬花川谷海棠盛開進退格

四面週遭國艷叢危亭頗在艷叢中天開錦幄三
千丈日透紅粧一萬重積雨乍晴偏楚楚東風小
緩莫忽忽為花一醉非難事且道花醲復酒醲

積雨小止暫到東園兩作急歸

咫尺東園千里遙欣逢小霽略道遙鷺穿秧稻新

黃脚蟲禿金沙嫩紫條城市簷間堪繫纜山溪夜
半失危橋忽忽行散還飯去一陣飄蕭不見饒

四月二十八日祠祿秩滿喜罷感恩進退

格

隨牒江湖四十年寄名臺閣兩三番全家廩食皆
天賜晚歲祠官是地仙匹似分司轉閑散也無拜

表及寒温明朝更省毛錐力十字名銜尚請錢白樂

天得分司官作詩夸拜表行香寒温之外並無職
事未知今日祠官併行香拜表亦皆不赴予以中
大夫秘閣修撰提舉隆興府玉隆
萬壽官辭滿繫階遂省十字云

荷池小立

池小泉多強欲留留他不住恣他流荷盤不放荷
尖出穿破盤來却又休

贈閤皂山嬾雲道士詩客張惟深

閤皂峰頭半朶雲化為道士到吾門問渠真箇如
雲嬾為許隨風處處村

羽客來從閤皂山慙慙告訴病詩癩古今此病元
無藥癩到陰何便是仙

料理小荷池

側塞浮荷更泛苔為芟數路水痕開魚兒便喜新
開港繞去繞來千百回

六月十六日夜南溪望月

溪水留我住溪月愁我歛望後月更佳昨宵未為
奇大都月色好一歲能幾時人散長是早月來長
是遲初出如大甕纔露金半規不知獨何急下如
有人推忽然脫嶺尖行空安不危似愛溪水淨下
浴青瑠璃明珠徑餘尺沈在千頃陂我欲刺雙手
就溪取團暉白小忽亂跳碎作萬金徽須臾波痕
定化為水銀池夜久看未足風露欺病肌我能尚
小留瘦藤歌式微一笑顧群從來夕肯集茲

送吉守趙山父移廣東提刑

越臺海山清更雄曲江間出曲江公憲臺師表光
且耿濂溪留下濂溪井趙侯端是宋間平妙年策
名千佛經陽春有脚來江城銀漢乘槎移使星巖
上梅花莫遲發先遣北枝迎玉節寄聲多賀帽子
峯今歲峯頭有霜雪提刑衙後一峯名帽子
擬吉州解試秋風楚竹冷詩
客子征行日偏逢楚水秋一風來瑟瑟萬竹冷脩
脩吹作清霜骨聲酣古渡頭班林寒欲裂碧節爽
還幽不復披襟快長懷落帽愁少陵詩思苦送別
更冥搜

題星子縣黃宰世高問政堂

黃子儂故人危子儂門生向來同登漱玉亭銀河
洗面醉不醒四年二子不見面過眼光陰掣飛電
今晨忽得問政碑黃子作堂危子詞危子筆力乃
爾進黃子佳政不須問寄言二子各努力古人也
是人作音得

大丞相益國周公訪予於碧瑤洞天劉敏

叔寫以為圖來予書其後

平叔曾過魏秀才何如老子致元台蒼松翠竹青
苔逕也不傳呼宰相來

丞相周公招王

寄以長句

素娥大作中秋節一夜廣寒桂花發天風吹隨綠
野堂夜半瑤塔丈深雪梅仙不知天尚秋只驚香
雪點搔頭笑隨王妃照粉水洗粧同入月中游晉
公賞梅仍賞桂獨招子猷雪前醉明朝有客訴天
公不喚香山病居士

寄題開州史君陳師宗柴扉

屋是茅一把門是柴一束是間著宇宙太倉半粒
粟五間陳家扉樣似陶家屋孤松不須雙五柳何

用六竹籬東復東添種數叢菊賸肯蝨畝來盈尊
酒初綠

寄題吳仁傑架閣玩芳亭

洞庭波上木葉脫巫山宅前野花發子規啼殺不
見人空令千載憶靈均春蘭九畹百畝蕙自榮自
落誰能佩澤國山東最上頭有客玩芳杜若洲扁舟
夜上人鮮甕手撥騷人衆芳種畝來夢到閩風臺
靈均花草和露栽寄言衆芳未要開更待誠齋老
子來

題子文弟南溪奇觀

行盡三江與五湖江湖元只近吾居一陂秋水鎔
銀汁萬里青天落玉壺每約弟兄人定後恣看風
露月來初老夫詩句休拈出漏洩南溪竒觀圖

賞菊

老子平生不解愁花開酒熟萬緣休更教不為黃
花醉枉却今年一片秋
菊花肯為別人黃長怨先生不斷腸兩鬢盡凋無
地掙一杯細酌人神香
菊生不是遇淵明自是淵明遇菊生歲晚霜寒心
獨苦淵明元是菊花精

物性從來各一家誰貪寒瘦厭妍華菊花自擇風
霜國不是春光外菊花

白菊

白菊初開也自黃開來開去白如霜小蜂劣得針
來大不怕清寒嗅冷香

霜後黃花頗不中獨餘白菊鬪霜濃與霜更鬪晴
天日鬪得霜融菊不融

芙蓉盛開戲簡子文克信

芙蓉得雨一齊開開盡秋花客不來到得客來花
已老晚粧猶可兩三杯

曉寄芙蓉徑

曉粧懶困曉粧新
火急來看趣絕晨
夾徑花枝欺我老
競將紅露洒烏巾
芙蓉佳處不勝佳
花不中藏祗外斜
恰似曲江聞喜宴
綠衣半醉戴宮花

送簡壽玉主簿之官臨桂

蘭溪傾蓋杏風殘
桂嶺離裾菊露寒
聽子新詩過夜半
吹儂秋思入雲端
徃吟平地千蒼玉
還憶孤舟一釣竿
四海如今習鑿齒
大官莫作小官看
柴門草徑儘莓苔
不放黃塵俗子來
詩客清晨衝

兩人梅花一夜為君開
飄蕭落葉殘燈火
陸續清談濁酒杯
二十六年統四見
驪駒抵死秣相催

殘菊

腸斷黃花霜後枝
花乾葉悴兩離披
一花忽秀枯叢裏
更勝初開乍見時

秋圃

何處秋深好
山林處士家
青霜紅碧樹
白露紫黃花
一熟離頻雨
朝晴禱暮霞
連宵眠不着
猶自愛新茶

與侯子雲溪上晚步

人入溪園自掩門溪流新落兩三痕杖藜紫菊霜
風狂送眼丹楓夕照村行住忽然忘近遠陰晴未
肯定寒暄多時不出今聊出牧子樵兒一笑喧

十一月朔早起

拋笏投簪四見秋宦情世味兩俱休塵隨日影穿
牕喜葉卷風聲刮地愁文武自勻香底火聖賢教
帶老時簫夜來富貴非人世夢釣滄浪雪滿舟

新晴

瑤霜珠露兩相鮮玉宇金鉦萬里寬欲作音一晴
多少日早知祇費數朝寒暴禾場裏鷄豚樂試筆

牕前紙墨乾兒女莫餐新浙飯打頭荷甌且輸官

嘲蜂

薰籠供藥較香些引得蜂兒繞室譁笑死老夫綠
底事蜂兒專用鼻看花

留蕭伯和仲和小飲

野果山蔬未要多濁醪清酒儘從他不放兩瓊三
杯裏柰此千愁百惱何山倒莫教扶玉樹尊空別
得借銀河少陵一語君知麼不見堂前東逝波
誰曾白月上青天誰羨千鍾况萬錢要入詩家須
有骨若除酒外更無仙三杯未必通大道一斗真

能出百篇李杜飢寒統幾日却教富貴不論年

新晴東園晚步

一月秋陰一日晴山禽相賀太丁寧不愁白髮千
莖雪隨喜黃庭一卷經晚霧薄情憎遠嶺夕陽死
命憇危亭孤吟道是無人覺松竹喧傳菊細聽
忙裏清流也帶塵閑中底物不長新水將樹影揮
空帚楓換秋容作好春自是不畝歸便得老來下
筆筆如神鷺花煎爛無塵日賤相誠齋一老人

新霜

得得今年未有寒天公小靳不全判欲呈瑞雪飛

花樣先遣濃霜起草看瓦脊生塵總瓊玉梅梢着
粉忽琅玕老夫到老嫌冬熱十指朝來出袖難

餐霜醒酒

宿酒朝來醉尚殘胸懷眊矐腹仍煩牡丹壇上欄
干脚自刮霜毬袞舌端

梅菊同掉硯滴

兩枝殘菊兩枝梅同人銀鬕釀玉醅待得陶泓真
箇渴二花酒熟與三杯

冬至霜晴

油簾雪白日華紅老子良圖策俊功自曬綿裘并

衲袴誰知衣桁是薰籠絕憐寒菊枯根底留得殘
霜過日中舊說冬乾年定濕試將今歲試南翁

朱伯勤同子文弟幼楚姪來訪 書事

板橋再葺岸頭橫茅屋新添樹外明山勢追回一
溪水波光飛到萬花亭沉煙久冷爐猶馥簾子閑
垂脚自平坐看千林總黃落只餘蘭蕙向人青

與伯勤子文幼楚同登南溪竒觀戲道傍

群兒

鬢鬆睡眼慰難開曳杖緣溪啄紫苔偶見群兒聊
與戲布衫青底捉將來

曉行東園

霜後前林一向疎丹楓落盡沉黃梧犯寒侵早看
殘菊怕熱平生不擁爐老眼讀書長作睡病身得
酒忽全蘇好詩排闥來尋我一字何曾撼白鬚

至後十日雪中觀梅

小樹梅花徹夜開侵晨雪片趁花回即非雪片催
梅發却是梅花喚雪來琪樹橫枝吹腦子玉妃乘
月上瑤臺世間除却梅梢雪便是水霜也帶埃

飲酒

今日偶不飲無事亦有思偶然舉一杯事至我不

詩集卷三十七
知豈獨志萬事此身亦如遺此酒本何物林先麴
還隨飯林穉醒眼嚼麴無醉時林麴偶相逢清泉
媒妁之不知獨何神幻出志世姿莊周不須周惠
施不須施貴賤與死生不齋元自齊我本非播紳
金華牧羊兒祇坐讀詩禮一出不得飯歸來今四
年似早其實遲海中無蓬萊蓬萊在酒池今夕一
杯酒乘風駕雲旗猶遭世緣縛未掛神武衣

雪後領兒輩行散

今日意不愜出游聊逍遙父子自為伴何須外招
邀過溪足小倦臨流坐危橋回頭顧五廬竹樹翳

草寮獨有萬花亭巋然出山椒高陂瀉溪水環佩
鏘瓊瑤飛流迸空起平水和天搖春涼到潭底勢
盡自浮漂蟹眼沸不停雪山湧還消近觀絕洶洶
遠聽漸蕭蕭忽逢綠頭公攜桴鼓丹橈喧呼葦間
出得意似見驕我行為小立流魚偶雙跳人物各
自適茲游定誰超

中塗小歇

山僮問游何許村莫問何許但出門脚根倦時且
小歇山色佳處須細看道逢田父遊儂住說與前
頭看山去寄下君家老瓦盆他日重游却來取

雲際寺前山頂却望幡竿鷓鴣

諸山

幡竿嶺帶鷓鴣山雪後霜前紫翠間
自撥胡床移好處莫教漏眼一煙鬟

遠近青山列畫屏近山濃抹遠山輕
高屏已出低屏外更有孤峯出一層

游雲際寺諸僧皆出因過田家

游徧諸峯欲晚霞倦投野寺覓煎茶
更無一箇殘僧在歸路却投田舍家

歸路過南溪橋

霜風一動巖雲開雲外樵歌暮更哀
童子隔溪呼伴侶併驅水牯過溪來
愛他風物重徘徊歸路遲遲却快哉
曲折綠溪非細好忽逢斷岸却回來

荷池

小池歲晚石泉寒荷葉低垂綠柄乾
一似漁人暮歸後敗蓑破笠掛魚竿

簷滴

簷滴踈踈亦幾何滴將苦砌出圓窠
就中漱滌偏精巧泥土都無石子多

與山莊子仁姪東園看梅

仰樹看花不見梅，聞香疑有別園開。
更行數步偶回首，却被青松映出來。

梅花不是雪家仙，雪裏如何不怕寒。
凍脫龍鬚冰却海，千花試與鬪來看。

手種江梅五百窠，小窠開早更花多。
就中一樹尤清絕，惱殺先生看殺他。

步繞梅花徧一園，得花妙處忽欣然。
元來別有看花眼，笑向山莊死不傳。

歲暮飯自城中一病垂死病起

遣悶

索居獨寡歡巾車，入城闔親舊久不見。
一見交相傾挽衣，招我飲惟恐我出門。
不招我亦往，不留我亦存。慙慙復如許，不住我豈真是時。
梅始花吹香，落金尊。酒冽有果富，咀啜俱芳珍。
丞相我知已，大守吾故人。言非汰塵雜，塵雜不入言。
初談聖賢髓，終談天地根。而况衙杯酒，不樂復何云。

出郭雲尚明，及郊日忽暮。不思日畧短，却信雲色誤。
駿奔六七里，逢店破亦住。澆愁幸殘尊，照睡聊短炬。
荒雞喚野夢，晨起念速步。外車乃復下，故疾

動中腑昏眩慄欲絕低徊不能去僮僕強我畝偶
不墮中路老至猶倚強疾在自不悟及茲一委頓
去死僅寸許人生信浮脆可笑何足懼所懼棄官
晚行樂今已遽

食罷游東園慨然傷我懷昨日卧病時自謂不復
來入門大風起萬松聲頓哀病骨念不堪欲行重

裴徊

裴徊南齋前小倦坐苔塔齋前花不多亦有兩古

梅似知我至此頃刻忽盡開多情梅間竹偃風特
奇哉不知喜風舞為復怯風回萬象皆迎春我獨
老病催明日能來否且畝撥爐灰

病起行不得坐久情不舒倔強妻子前欲扶羞索
扶且呼斑竹君寸步與我俱遠行亦未決聊復循
庭除平地誰去覺陟降即少徐平生四方志八極
視若無西飛折若木東厲騎鯨魚即今卧藜床一
起還九噓力憊志猶在床頭尋湛盧

丙辰歲朝行東園

元日扶衰看早春嫩苔一徑落梅新何人舞罷凌
波襪蹈匾真珠滿綠細

題張坦夫腴莊圖三首

百里青山十里溪荷花萬頃照紅衣臨平山下西

湖上揔被腴莊撮取歸
花光泉響不相參城市山林難兩兼不分腴莊最
無賴一時奄有忒傷廉
花開還喜落還嗟君被腴莊惱却些何似老夫展
橫軸一朝見盡四時花

東園晴步

淺暖踈寒十日晴桃花紅暗李花明小蜂撲得渾
無益羽扇徒勞不作聲
金沙遶架卧春風節節新條出嫩叢一色勻排綠
瓶子忽然半縷漏深紅

曉登萬花川谷看海棠

夜雨朝晴花睡餘海棠傾國萬花無館娃一樣三
千女露滴燕脂洗面初
準擬今春樂事醜依前在却一東風年年不帶看
花福不是愁中即病中

走筆送趙正則司戶來訪飯觀

親庭

捧檄親庭歸帽斜肯臨破屋玉川家小留詩客三
杯酒試看山園幾處花君到東湖與南浦時當芍
藥替金沙却來書滿參卿考徑泛銀河在斗槎

東園社日

風雨摧殘桃李枝東園無樹不離披海棠過後殘
花在恰似上春初發時

觀社

作社朝祠有足觀山農初福更迎年忽然簫鼓來
何處走殺兒童最可憐虎面豹頭時自顧野謳市
舞各爭妍王侯將相饒尊貴不博渠儂一餉癩
上已後一日同子文伯莊永年步東園
兄弟相過看牡丹牡丹看了看東園攀翻花木來
還去九徑還行十八番

九徑陰陰一一穿前談後笑各欣然緩行不是身
無力滿地殘紅不忍前
只愛醱醱雪作葩不知雪後減金沙春畝道是無
情着試看游絲舞落花

積雨小霽

兩足山雲半欲開新秧猶待小暄催一雙百舌花
梢語四顧無人忽下來

題劉高士看雲圖

茅山詩人凝神高士劉先覺遭遇

孝宗皇帝嘗因宣召講莊子輒進苦口之言

曰親君子遠小人近莊士踈嬖倖此可以道
家者流俟之歟慶元丙辰三月二十二日次
謝良齋韻書看雲圖後

偶為看雲且罷琴萬山寒隔一溪深誰言嚙月餐
雲客中有憂時致主心

送黃巖老通判全州

自號白石居士

瀟湘之山可當一枝筆瀟湘之水可充一硯滴白
石得官斑竹林天錫筆硯供醉吟好將湘山點湘
水灑滿青天一張紙臺家旁搜清廟珍奇珍隨在
湘水濱烏衣樞相今水鏡手提一道人材柄外臺

况復有三賢看即吹噓送上天敏來肯過誠齋裡
分似錦囊新句子

送劉北秀

劉子過逢二十年別來風月幾千篇黃金賣盡延
賓友囊底何須看一錢

贈我盆花十小詩菖蒲一詠最清奇洞庭卷入墨
昆槐更卷青天入寸漪

暑中早起東齋獨坐

松竹陰中逗曉光無風有露自生涼黃筠倚子十
二隻倚遍瑠璃皆滿霜

誠齋待月

紅稠碧秀晴山園只有誠齋眼界寬
月近竹梢偏不上要人不看要人看

六月晦日

今年六月熱全無不是雲陰即雨餘
松葉落階休掃動黃金線織滑甃

寄題儋耳東坡故居尊賢堂太守譚景先
所

東坡無地頓危身天賜黎山活逐臣
萬里鯨波隔希夔千年桂酒弔靈均
精忠塞得乾坤破日月伴

渠文字新秣箇短簷高屋帽青蓮未是謫仙人

先生初落海南垂茅屋三間不到伊更有高堂懸

畫像幸無過客首音去聲新詩古來賢聖皆如此身

後功名屬阿誰底事百年譚太守却教賓主不同
時

小池荷葉雨聲

午夢西湖泛煙水畫船撐入荷花底
雨聲一陣打踈蓬驚開睡眼初鬢鬆
乃是池荷跳急雨散了真珠又還聚
幸然聚作水銀泓瀉入清波無覓處

贈左元規

誰道古人今不如龍生龍駒鳳鳳雛太冲千載有
孫子筆端真可四三都向來鹿鳴首送渠至今銀
袍雙袖烏會逢玄晏為拈出殿前作賦聲第一

八月十二日夜誠齋望月

恍近中秋月已清鴉青幕掛一團水忽然覺得今
宵月元不黏天獨自行

蛩聲

誠齋老子一畝休最感蛩聲五報秋細聽蛩聲元
自樂人愁却道是他愁

送王子林節推官融水

挂嶺梅花欲爭發融水幕賓來訪別可憐足馬犯
霜風吟徧梅花更吟雪我如病蚕已三眠作繭不
就黏壁乾君如雲表秋健鶻政好搏扶整羽翰中
書落筆看給札畝時過我聊投轄

寄餞湖廣總領張子儀少卿赴召

君不見紹興初載毘陵公亂後身作夾日龍功存
社稷報不盡祇遺千載高風當家衣鉢付誰子
蘭砌孫枝渾是似哦詩五字如淵明讀書萬卷如
子美士飽木牛今幾年月昇金掌畝九天胡不令
舍人咄咄趣行李早上星辰聽珠履

偶生得牛尾狸獻諸丞相益公侑以長句
風林露圃天欲霜柿紅栗紫橘弄黃老夫忍餽不
忍嘗丁寧道人莫取將朝來栗姬羽化去速其木
奴三百戶烏裨士子散如煙檢校不知渠去處山
僮相傳皂衣郎字曰李狸氏奇章上樹千回一霎
強連夜剽掠積廩倉并吞又向黎侯國羅人救黎
遂禽獲白茅面縛來獻俘玄端貂裘瓠肥白解駘
薦渠登相門立談封作糟丘君旁招披緜拉通印
日侍尊俎嬉平園玉肌生憎麤手削須防東坡誦
寃著

平園乃益
公園名

題益公丞相天香堂

益公新植洛中絕品牡丹數十本作堂臨之
誠齋野客楊万里請名以天香且為賦長句
君不見沉香亭北專東風謫仙作頌天無功君不
見君王殿後春第一領袖衆芳捧堯日此花司春
轉化鈞一風一雨萬物春十分整頓春光了收黃
拾紫歛江表天香染就山龍裳餘芬却染山水鄉
青原白鷺萬松竹被渠染作天上香人間何曾識
姚魏相公新移洛中喬呼酒先招野客看不醉花
前為誰醉

第 35368 号
 平成 3.11.22
 聖和學 928
 園短大 七
 圖書館 9

誠齋集卷第三十七終

嘉定元年春三月男 長孺 編定

端平元年夏五月門人羅 茂良 校正

[Faint bleed-through text from the reverse side of the page, including characters like 誠齋, 卷, 終, 嘉定, 端平, 羅, 茂良, 編定, 校正.]

藥 30985 号
 3.11.55 年

| | |
|-----|-------|
| 509 | 學 時 望 |
| 二 | 大 試 題 |
| 三 | 檢 查 冊 |

蘇 州 大 學 第 三 十 七 號

蘇 州 大 學 第 三 十 七 號

7

